

永樂大典

卷九百

永樂大典卷之九百

二支

詩 元詩二

元王景初蘭軒集李公敏吾觀李公詩骨氣何老蒼如有滄注龍千里思騰驤又如南山松獨立凌風霜不架屋下屋不疊牀上牀言志與紀實句句出肺腑用事無牽制吐詞多鏗鏘養源自崑崙可見東流長六經博其趣諸子發其光他時再相見吾敢輕論量絕句 逍遙天地內本是一閒人却笑周發婦懷憂浪苦辛我有東山約歸歟定幾時流年不相待添滿鏡中絲 夢覺聞風雨寒聲隔紙窗關心無限事起坐對殘缸老廢觀書眼空閒永夜燈蒲團依壁坐何異一禪僧 天理全真質人心去吝騎要知顏子樂元不在車瓢 移得黃花菊開時已過秋一雙何處蝶來為晚香留 遺糧戰群蟻腐鼠落飛為佇目秋風外孤鴻入暮煙 雨露青霄遠風霜白屋深有心圖富貴應不到而今 有客談金馬無心羨石渠他年攜野史深入白雲書 懶廢交游禮貧疎骨肉恩流年過半百行止任乾坤 位重憂方大財多怨亦歸人生要無索貧賤一麻衣 錦

永樂大典卷九百

衣思尚綱君子亦何心胡不觀謙卦山藏九地深 天地雖云大猶將形器拘誰能超物表獨與道為徒 希聖與希賢功夫不偶然掃除心上地開廣性中天 炎炎燎原火始自一星然須信情當節誰云怒可遷 天地元無蔽人心本至靈奈何將物欲遮塞自頑冥 山溜能穿石元非一日功學無堅久力安得聖門通 萬丈滄溟底神珠尚可求讀書不知道安可等閑休 寶鑑塵昏却重磨復舊明人心何異此改過善還生 寡欲可延年存心即事天神丹何日就香鼎亦虛然 釋子談空寂神仙竟渺茫古今天地裏唯有一網常 男女無親授當知嫂溺援世無鄒蓋氏誰與辨經權 木恠翻基壽龜靈返速劇世情橫械外吾亦愛吾愚 嗜利和心醉爭名至死亡誰能超此象莊子在魚梁 有定乾坤理無私造化心當時鑪冶內枉作不祥金 有說皆非道無言乃是天當知六經外別自有真傳 世儒箋注學愈說愈支離道妙忘言處幾人真得知 久視能傷目多思亦損心焉知心目外有道自玄深 博學資詳說當知反約攻聖傳精一處只在片言中 乾坤唯一理無古亦無今不有天忠恕於何觀聖心 澹泊忘塵慮逍遙養道心願為無用軀羞作不祥金 白髮滿青鏡功名心已休春風吹夢覺周易在林頭 雜詩 青青南山樹

託根一何高。雨露雖早承。風霜亦先遭。修幹拂雲漢。清陰蔽棟樑。嚴寒枝
葉盡。樵斧將焉逃。煌煌珊瑚樹。託根萬仞淵。陽光照群物。海底無青天。
絕寶世所稀。幽沈多棄捐。誰能理鐵網。採獻君王前。扶桑出火日。助此
三伏威。水沸魚不游。林焚鳥安歸。更堪晝夜間。擾擾蚊蠅飛。風霜一朝至。
豈恤身無衣。平生雅志在山林。世事繁人未遂心。早晚隨他猿鶴去。杖
藜不厭白雲深。長身索米侏儒飽。飛將無功妄射侯。世事紛紛本難料。
雲山招隱去來休。貧賤身安富貴憂。生涯粗足更何求。他年杖屨紅塵
外。只要青山伴白頭。問津入海厭風濤。歸卧雲山一布袍。人爵得如天
爵貴。權門爭似聖門高。世事無邊白髮催。坐消心火到寒灰。相知只有
南窓月。肯送清光夜夜來。永夜披衣起。離懷酒半醒。眾星何歷歷。孤月
自亭亭。露氣三更白。天容萬古青。何當上銀漢。濯髮謝塵腥。家貧甘淡
薄。地僻寡經過。日暮佳人遠。春深碧草多。山川留笑傲。湖海入蹉跎。明月
一樽酒。無人聽浩歌。尊酒何人在。青山落日昏。商歌聊寄意。楚些未招
魂。世事頻欹枕。愁懷獨倚門。鶴鴿心不斷。千里共啼痕。清風生槁木。明
月照空尊。鬱鬱歌聲斷。茫茫夜氣昏。流年翻故紙。生理憶前村。擬買雲山
住。黃塵謝遠奔。骨肉三年別。雲山一夢賒。乾坤兩神物。今古幾張華。嶺

永樂大典卷九百

二

嶼橫秋鷄林。啼返哺鴉。帝鄉難可戀。爭似早歸家。萬慮散還集。孤懷行
轉幽。劍歌心事晚。燈火鬢華秋。歲月水東注。關山人北游。幾時霄漢路。黃
鶴謝籠囚。滄浪亭下水。濯足有高人。聲價乾坤大。光容日月新。騎鯨今
不返。覓句欲誰親。忽憶論文夕。傷心淚滿巾。滄浪亭下水。回首未忘情。
無復塵纓濯。何勞波浪清。山川元氣在。風雨暮愁生。得句無人和。天空孤
月明。碧澗寒松樹。庭除未易栽。根盤元氣在。花抱白雲開。匠石無消息。
幽人自往來。冰霜千歲節。桃李莫相猜。睡起南窓下。吟詩兩鬢風。惜無
尊酒綠。聊發醉顏紅。世事何時了。浮名到底空。故園歸去晚。蘭菊半蒿蓬。
帝里三年客。麻衣兩鬢塵。運斤思郢質。度曲困巴人。蕙苴寧辭苦。芙蓉
不嫁春。歸來當世事。已矣勿重陳。藜杖晚風前。衡門落木邊。傷時成短
詠。引鏡惜流年。寶劍曾衝斗。靈槎可上天。誰能甘碌碌。塵土沒華顛。不
買酒澆愁。唯吟詩送秋。黃花開易了。青鬢去難留。道業知誰重。儒冠浪自
囚。會當鞭彩鳳。八表恣狂遊。長歌續短歌。歌罷意蹉跎。白屋沉風雅。青
雲出揣摩。螭龍寒不起。山鬼暮還過。莫憶遠遊賦。途窮霜露多。人海易
風波。吾行知奈何。乘槎天漢遠。泣玉淚痕多。故苑荒蘭菊。空山老薜蘿。肯
霞千古意。白石一聲歌。玉佩石蘭衣。手拖明月輝。騷人不相待。薄俗竟

安歸。閨苑迷蒼海。瓊宮隔紫微。世塵三萬丈。黃鶴要高飛。回首東山望
白雲。幾時歸去謝紅塵。三生有債窮書客。萬事無心老道人。火候周時丹
欲就。金精飛後氣方神。從今一蹴虛空破。何必區區問大鈞。無題。西
北青樓倚絳霄。漢宮春色映芳袍。佳人獨織紫紋綺。寒女漫持金剪刀。欲
採蘋蘩供祭祀。還思歌舞事遊遨。五雲牢落秋風暮。夢斷瑤臺壁月高。
讀杜詩。風雅誰堪繼後塵。少陵詩筆妙通神。岱宗獨立郡山小。元氣無
私萬物春。一代興衰兼國史。百年忠義激人臣。鸞膠不續朱弦絕。北里黃
花日日新。偶成。一世匆匆萬世長。中間儘有事商量。初聞宛鳥憤滄
海。又見愚公從太行。天上美人無夢到。山中瑤草為誰香。兩盃薄粥三間
屋。了却浮生不用忙。陳子廉集雜詩。薄言采幽蘭。江上秋風生。煙閣林
光淨。露餘花氣清。美人如芙蓉。贈我秋菊英。為君酌玉醴。馨香貯瑤觥。佳
會難久留。遠望空月明。風吹陽雲斷。悵然以傷情。薄遊漢林暮。時聞禽
鳥和。裴回擬孤詠。佇目清雲多。煙光浮蘭渚。香氣泛綠荷。佳人將白苧。浣
此芙蓉波。涼月為誰好。薰風時我過。幽懷取無寐。良夜其如何。古詩
遊子日暮歸。勞勞涉長道。涼風淒以寒。庭樹日枯槁。昔為春芳花。今為暮
衰草。不見桃李顏。榮華豈長好。惟有青青松。相看以終老。世道良悠悠。

未樂大典卷九百

三

天月仍皎皎。時序日以遷。秋至一何早。寒蛩鳴壁間。白露下庭草。故人遠
行役。好在萬里道。相憶懷德音。惟仁以為寶。孤雁長逸群。高高在雲間。
遊子悲故鄉。行路良復難。草木有榮落。松柏知歲寒。川水日夜流。歲月不
復還。願隨黃鶴飛。安得雙羽翰。與君重別離。相携至河陽。悠悠復何之。
驅車上太行。浮雲日以暮。秋風雁南翔。瞻彼河漢流。仰見明月光。行役良
可還。并州下嚴霜。絡緯何唧唧。孤妾終夜織。起視河漢明。遙遙見雙星。
星月仍皎皎。懷人在長道。漢殿秋風涼。婕妤居未央。玉食常有餘。被服羅
衣裳。空房生幽蘭。英英含光輝。良人行西遊。西遊何時歸。秋風吹行雲。
飄飄如征衣。何當投君懷。相思長依依。寧如雙冥鴻。翩翩凌風飛。明明
秋月光。照我嘉樹林。林北多悲風。憂來鳴素琴。鬱鬱巫山長。悠悠湘水深。
美人隔千里。瞻望勞我心。願言託孤鴻。予以贈遠音。漢濱有游女。容色
荷花鮮。鬢髮如青雲。環佩凌紫煙。蘭舟采芙蓉。明月何娟娟。秋風吹芳草。
所憶在遠道。不見雙鴛鴦。皋蘭日枯槁。鳳凰離丹山。去去何所依。孤鳴
世無侶。况乃梧桐希。琅玕竟不實。終歲常苦飢。浮雲蔽朝陽。隨風自南飛。
高翔周四海。下以覽德輝。北荒有龍庭。飛雪何漫漫。漢使持節行。一去
十九年。黃雲落紫塞。白日迴青天。茂陵哭秋風。忠義難與宣。懷人不可見。

永樂大典

卷九〇〇

嘆息空茫然。衡陽歲云莫。翩翩鴈南征。落日下湘渚。秋風生洞庭。九疑
巒巒綿綿。蒼梧雲氣清。不見鸞鳳翔。但見魚龍驚。引領希黃虞。悠悠傷我情。
 別客如流光。并州非故鄉。草木日零落。憂心以彷徨。塞上多浮雲。途路
 究且長。涼風從北來。塞鴈復南翔。中宵不能寐。使我懷感傷。明月在遠
 道。天星向晨稀。客行一何早。鷓鴣一何遲。上有百丈峰。下有千仞谿。此道
 亦以險。皇皇欲何之。况復霜露零。願言早還歸。暮登河陽道。北望蕩陰
 里。河內餘流民。山東復大水。不見中土人。去作異鄉鬼。薄命非關天。窮途
 亦云已。永夕秋風至。寒落千里鴈。清霜凝塞原。明月在雲漢。遲遲遠行
 客。忽忽驚歲晏。世道有反復。鷓鴣鳴夜將旦。客子從北征。野宿在草間。夜
 聞新涼人。戚戚相與言。戚戚何所言。為言征役煩。去年戍平城。今年度桑
 乾。風雪沾人衣。冽冽天色寒。天寒鴈南飛。回頭望長安。從軍鴈門塞。日
 日風色寒。將軍遠征去。何時破樓蘭。征人半不返。獨取天馬還。悲如隴阪
 下。壯士摧心肝。白鴈度寒暑。悠悠行路難。何如黃鵠飛。飛去終南山。永
 夜何寂寂。征鴈長役役。起視河漢流。懷人在南州。秋風碧雲暮。芙蓉發江
 浦。我有明月珠。可以照千古。持此欲贈君。將歸道無因。玩之以為寶。終當
 寄達人。長雲鴻鴈鳴。落日秋風寒。客子常遠遊。自古行路難。前北見明

永樂大典卷九百

四

月。故人在長安。一夕道相望。清肅氣若蘭。宛然丹鳳雛。樓彼青琅玕。欲往
 從之遊。安得雙羽翰。韓性五雲漫。彙偶成。年來游興殊。常懶春後吟。情
 故自起。燕子未修花外壘。牡丹初活雨中苗。林樾蕭疎曲罨深。小庭秋
 色淨無塵。一杯苦茗強留客。滿地碧花殊可人。種就蔓菁半着花。猶殘
 枸杞未抽芽。絕憐肉食妨精進。猶擱琴高下夜茶。偶書 綠陰庭院燕
 交飛。隱几拋書思欲迷。拂面微風吹夢斷。半窗斜日杜鵑啼。十二月五
 日。霓幟纓妝雨。意闌朔風吹面不成寒。園林莫問春來未。且把梅花當
 雪看。偶題 苔逕荒蕙茂。愁西風初上木綿裘。池亭入晚尤奇絕。丹
 桂花西月一鉤。擬古 邯鄲繁華地。關道凌雲端。玲瓏開戶牖。綺疏繁
 以繁。皎皎樓上女。慘慘登清彈。得非愁芳景。促柱懷早酸。借問彈者誰。不
 言再三歎。昔為雙飛鵲。今為孤棲鷺。豈無登臺客。羅敷非所歎。朔風一
 以勁。桃李無餘陰。柔荑次第萎。王鮪日夜沉。端居念時節。萬感集曾襟。丹
 棘豈無花。之子獨苦心。駿馬戀長坡。鳳鳥思故林。願抱荆山璞。往宿清渭
 濱。雜詩 飄飄學僊侶。保鍊長生姿。遺榮等芻狗。養氣如木雞。猗歟不
 死機。動靜無感衰。胡為受形役。流宕日坐馳。琴心妙三疊。至音諒誰揮。矯
 首三山雲。悠然望安期。商飈振原野。勁風入我袂。暹夜起。悟歎慨然念

祖秋北辰麗中天。河漢西南流。陰陽無停機。感此四運周。佳人天一。方。何
 以慰我愁。豈無百尺樓。登臨以銷憂。亭亭山中木。華實分蚩妍。短長各
 自用。誰能保貞堅。犧尊耀青黃。斧斤失其天。有如清中斷。聊以散自全。人
 生若膏火。銷鑠因世緣。嗚然起長嘯。從彼蘇門壑。榮榮清秋菊。含章發
 荒園。鮮裳耀佳色。象在六五坤。疑霜織累草。始列幽芳尊。擬英泛清觴。南
 山清一痕。自非靖節翁。素抱孰與論。願言保昭質。劔華固靈根。衡門十
 日而。晨飯食子桑。永懷冰玉人。衛生失其方。玉函夙所親。金七亦屢嘗。詩
 聲出戶外。泰定神不傷。昔賢秉元化。此身本安康。聊示衡氣機。何能測其
 鄉。昭文不鼓琴。至道無虧成。意而出黥剗。刻彫傷衆形。吾聞養生主。靈
 芝發初榮。一為外物嬰。杞梓成薪荆。世人亂名實。羽重千鈞輕。珎重漆園
 吏。自樂心太平。空山被褐翁。寧難似廣麋。巍然新宮銘。奇文日星焚。何
 人慕少霞。取關逐玄卿。飛翰擊琬琰。微言參窈冥。塵劫火滄胥。豈運不暫
 停。樂哉清寧劫。一念三千齡。放勳等玄化。著此聖人篇。恭惟宇宙中。大
 哉精一傳。仰瞻復俯察。鳶魚在天淵。寧知進道姿。耽耽沉痾痊。康莊馳聖
 軌。欲往無由緣。如何夸毗子。偷生幸長年。古詩 特運有代謝。至理無
 推遷。壁間三墳書。不載鴻荒前。元氣一呼吸。朝逐星迴旋。至人測其機。玄

永樂大典卷九百

五

關守綿綿。晨昏運一息。流轉天齊年。歸來訪舊鄉。山川故依然。云何堪
 累。愁此白鵝倦。鳴鏑發床臺。飛鏃逾西霜。石梁猶飲羽。逸勁不可當。奇
 工積九載。弦括一何良。悅仰待成器。末路徒悲傷。宛陵群英集。古詩 美
 人青雲端。望之不得親。贈我一端綺。珎重同南金。上有連理枝。間以雙飛
 禽。裁衣以被服。報之綠綺琴。衣以結綢繆。琴以答知音。文采豈不貴。尚綱
 思自珍。雖弊不忍棄。感于同一心。南山何崔嵬。丁丁伐嘉木。伐木將安
 施。飾此輪輿。較良材莫能致。棄置河水曲。黨人偷且閒。不獲有餘粟。况無
 獵較功。大庖有餘肉。彼美蓬廬士。微藿弗滿腹。飢渴豈不懷。徒食乃所惡。
 絕句 依稀殘夢水聲中。落月餘輝入短蓬。似聽隣舟催喚起。今朝趁
 得上江風。首夏讀謝康樂詩有感 改序忻幽景。夏綠蔭開軒。慕謝
 篇。翰清心絕。器煩中有帆。海作采真遂。孤鶩既感魯。連志亦著任。公言明
 哲古所尚。用舍道俱存。臨川乃逃逸。惻愴不可論。故叔謂其詩得之夜
 半。衾寒平寇謂得之酒後。耳熱不識詩之趣者。政未知二說為孰優孰劣
 也。戲用一吟。對壘曹劉氣益增。兩家相異不相仍。春坊麗思狂呼酒。秋
 被寒吟清斲冰。每恨獨醒空酌蟻。更憐多睡候聽蛩。箇中妙趣吾何有。一
 吟西風看縱鷹。偶作 等閒剪竹杖。隨意立蒼苔。山上雨初過。庭前花

又聞丹經尋舊學白酒潑新醅莫託功名事天邊使者來 偶成 故園
百餘里新寒透薄衣青山招客隱黃葉送秋歸沙岸鷗偏狎霜天蟹正肥
道人清似水閒憶首陽薇 錦囊久不佩奚奴辜負花前醉一壺酒病
魔慚量窄詩因韻險覺腸枯我將公幹常居鄴汝望阿蒙非在吳刻燭苦
吟吟不就誰家鼓缶聽烏鳥 無題 馳道塵香逐玉珂彤樓花暖弄雲
和春風漸綠瀛洲草細雨微生大液波月榭管弦鳴曙早水亭簾幕受寒
多少年易動傷春感喚取佳人對酒歌僧雪竈詩集至治癸亥寓京師
詩九首 秋天風日莫山河尚微光小蟲鳴樹根秋聲繞屋梁豈無行路
難所告非崇岡良言不可及悵望雲蒼茫蒼龍沙遠惜去不得將卒莫
不歸來秋華連徑黃 送客臨清流好踏江上船歸來雨足倦隱几就熟
眠晴原散夕暉秋色均林田安知白馬去消息應難傳客子早旋歸時行
異往年衰茄動星渚明月夜臨邊 索馳鳴長風龍馬在沙地父老出都
門從官何日至八月風騷騷九月出兵士十萬過漁陽足以衛神器皇華
使者來嚴詔請論事實劔匣中鳴提攜者無媿 熒星出丰標大旗揚中
闕占古微有云王乃事征伐于茲肘腋禍斷樞復壞軌念昔漢室開倉惶
殆今夕羣夫旣梟首夷倖見僮髮所相天之河吁嗟賴周勃 鄙夫懷百

永樂大典卷九百

六

慮婆娑泣難虞國家有法令爾輩何嗟吁虎士守禁闕宗臣攀鼎湖龍沙
雨塊莽日月麗天衢哀詔慘招鬼茄鼓動皇都丞相沙堤在長弘血未枯
高車載冠中顧我長松下夕陽慘風烈執手雪橫野慨彼衆文英忠義
莫暫舍况此燕趙間足有悲歌者欲歌未敢言相顧衆知寡他日東觀書
箴規託風雅 會稽多隱人豹霧南山居衣古染苔色松堂禪自如崇岡
長薇蕨春雨自荷鋤夫何久隔越一悞形跡疎天高叫飛鴻川迥足游魚
世事如浮雲細作行人書 騏驎伏檻問志在千萬里服車若所阮力盡
垂兩耳幸逢伯樂知金絡萬朝市未遂瑤池歡竟復中途止長鳴向朔風
戀戀含悽悵遙瞻閭闔門欽哉穆天子 開門倚杖立螢光草上浮非無
感物情舉世孰同謀月明天宇靜殿影如山丘風晴一鴈過霜落飛九州
砌下黃金花樽前當酒籌秋霜莫凋頂聊以慰我憂范德機某次韻古體
偶為溥朴語即有熙夷風在世能勿忤聊以古為同大巧三代人所拙
辨偽工曲哉末學士妄擬述作功至性苟能盡焉得推感隆先師子狂狷
蓋憤失所中於時得依歸敢嘆吾道窮 聖道缺已久文不充其資自從
夏殷來因革當從誰中更鳴烏聞載嘆德之衰寥寥大師樂復得存那
大音苟有託不必稽其辭設有盈樽酒日夕斟酌之樂杯當在手自今不

復疑胡為不復疑賢者當明知絕句 障攤芙蓉競隨柳接繁星
臨迥野疎雨過高池 江上打魚船有頭那無尾與卿相見時不望如魚
水 卿路西州是延年那向東片帆儂會使祇是怕隨風 水清灘自急
蕩槳直須人勸卿休恨水多為不知津 水如青銅鏡山色綠芙蓉中天
明月上此處好相逢 幽人不出戶長閑看盡春風長綠苔多謝有情雙
燕子斃時飛去又飛來 贈荅楊顯民四方采詩 今人論學古人詩事
皆天者非人為文章由來貴爾雅但顧有法何妨奇六經固以殊緩急樂
子飛騰自茲入國賈寧懷大寶疑宮工肯效微銷汝志至言從意自足何
必王風繫流俗觀變時時到黍離宗周思近西郊哭十道使者明如水閭
閻盡在水壺裏觀風本是使之職太息幽人為之起昨雨綠苔生晚閣黃
菊花前共秋酌采采芳英不盈掬月落樹聲連萬壑去去牛馬汗如泉既
別無計歸來年治平之音斷可傳無庸使我心煩憤楊弘道小亭集偶作
碧草含秋意黃雲起暮容歸鴉昏且噪去鴈遠無踪林酒因借醉明人
邂逅逢身名猶碌碌正望日疎慵 謾題 都門幾度見秋風楓拓連山
樹樹紅江海此時回首望黃花滿地酒尊空 偶題 藏名匿迹黃塵中
日抱書案心真濼墻頭花變兩三色又是一年看春風 巨木埋根數百

永樂大典卷九百

七

年蔚然蒼翠上參天不歸宮闕充梁棟也作龍舟濟大川 海上雲來偏
地陰波間漏日瀉黃金水車倦踏傷淫潦無柰連天雨止深 蔡夢祥集張
京叔僉事惠詩次韻 青驄緩轡入龜城春滿窮閭暗有情山嶽動搖銀
筆重日星輝霍繡衣明滿腔報國丹心露雙鬢憂民白髮生神政肅然詞
訟簡公餘時聽讀書聲 芑薄林雨江惠詩次韻 東風無情哭杜鵑白
楊蕭蕭古道邊思親思親心蒼然荒郊寒食空年年嗟失怙恃何大早氣
箠呱呱苦憂挽靈椿彫謝推萱草落花滿地無心掃酸風苦雨暗銷魂煙
沙撲面日色昏時思亭前酌一尊痛心泉湧血淚痕銜哀獨立松楸下迷
目茫茫飛野馬蜩首顛天恨莫舍為我心憂知我者我心之憂終此身先
生佳章慰我真口澤手澤痛愈深那敢遠繼考叔純座中多是葭草客不
為賞心遊紫陌看君吟對青青相蓼莪可蔽詩三百 林希元長林素浦江
鄭義門詩 浦陽江頭鄭家川兄弟幾院同一煙人傳九世如一日問之
渾以禮數纏鐘聲日日齊人起忍辱房房當面懸共飯早教兒輩後分衣
先到老人邊映門碧峯皆舊山遠舍綠疇無客田溪民換姓溪水改宅前
喬木長蒼然遮莫豪家滿墟郭儒素獨許君家賢生子多為越人秀學成
致之天子前中山情性愛官少圭組亦復相蟬聯有詔旌門照人世江鄉

永樂大典

卷九〇〇

慕之中國傳聞道縣中風俗好。長官只坐理琴絃。黃文獻公集雜詩。日
 月東西行。奉勳亦不息。寄身萬物中。寧獨謝茲役。所以魯中叟。遲遲走南
 北。聖哲諒已然。殊人能久安。晨起步南園。旭日朗以清。葵花衰草中。輝
 暉數丹榮。流光非汝私。獨爾心自傾。覽物有深懷。矜立方含情。璞玉與
 寶劍。淪落初未偶。君看被前被。各在千年後。將身比金石。誰當獨長久。悠
 悠百代下。相知復何有。孤雲澹無心。出山偶為雨。長風忽吹散。渺渺歸
 無處。唯餘向來山。突兀青如故。慷慨魯仲連。功成身已去。春風着萬物。
 欣欣皆自私。可憐兒女花。榮悴更相持。獨有剗底松。偃蹇如不知。何疑揚
 執戟。草玄鬢若絲。絕句。閉門索句苦無情。掃地焚香靜有功。世事不
 消多快意。半開窻扇受松風。夜合紅茸滿意開。凌霄頹玉委蒼苔。亭亭
 賴有牆陰竹。留得煙梢待鳥來。讀罷南華睡思濃。自移一榻近薰風。綠
 陰開巷深如海。時有幽花露晚紅。一片閒雲墮野塘。好風吹浪濕菰蔞。
 沙溼不受人間暑。長與荷華共雨涼。蔭天錫石林集偶成。疎簾日午花
 陰直。高樹風清燕語閒。獨坐焚香看周易。軟塵不到小屏山。選大都度
 灣川詩次韻一首。寄吳宗師并簡舜咨先生一。危蹕千官取次行。道
 人先踏雪泥晴。朔南日暖龍顏近。嶺北風高鶴背輕。丞相早行霜滑馬。將

永樂大典卷九百

單夜宿火連營。一年兩度經過處。惟有青山管送迎。許有仁至正集。雄飛
 和詩未至。以二口號速之。騷壇紀律素嚴明。一幟搖風到處轟。何事而
 今苦堅閉。有人乘夜欲登城。兩廳形迹馬牛風。盡日相望杳靄中。恰似蓬
 山三萬里。懷人何處覓詩筒。無題。去年曾約牡丹開。同向花前把一
 杯。今日花開人不見。對花無語却歸來。天臨索錄事出伯庸詩求和。伯
 庸薨三年矣。當年華陣掃千軍。要繼先秦兩漢文。孤塚此時多宿草。尤
 原何處覓停雲。紀功力疾猶能賦。撞德詒謀不待耘。底事房精遽淪化。世
 間凡馬未空群。雄飛喜作詩。而例禁不得相見。作此調之。張子能詩
 擅士林。無時無地輟搜尋。文場咫尺不相見。春興幾多應自吟。鍊字直教
 成白首。知音豈待鑄黃金。何時尊酒論真訣。要自康謠說到今。雄飛有
 詩次其韻。句句珊瑚問木難。君才不愧鄭都官。月中有桂天河近。春半
 無花繞尚寒。多士文章雲五色。野人心事日三竿。松籟雅興知多少。只恐
 毫端墨易乾。少年不識不知難。老矣常憂負縣官。詩。羊胤搖松月碎。席
 房清透柏霜寒。人間跋鱉從千里。海上連鰲待一竿。無奈春風笑吾輩。滿
 堂佳客酒杯乾。曹伯啓漢泉集集句。綠鍼浮水稻抽秧。麥穗粟粟飽眼黃。
 一枕黑甜誰喚覺。費瓜棚下午風涼。謾成。舉世紛紛日夜忙。閑中無

意閱興亡。千梳理髮驅煩熱。百偏攻書備後忘。屋角未麻晴浪晚。門前榆柳午風涼。人生未達須行樂。不待區區總那章。續滄江傳君平。和善樂國王詩。五十六字盤中珠。誦之如觀鮫與蘇。巨魚有時迷大壑。丹鳳無恙棲高梧。憶昔替盡漢陽樹。至今夢繞即官湖。稚章遠寄洗俗耳。慰懷絕勝談虛無。何太虛知非堂集絕句。芝谷山前日荷鋤。柴門生事轉蕭疎。放翁老去真堪笑。猶向人前說讀書。無題。喜有佳期未有期。會陽又見下春時。春風好長江南樹。長與閒人惜子規。玉雪容華翡翠衣。唱年貼領髮雲飛。共即急赴斜陽渡。不惜黃沙走馬歸。偶成。初啼山鳥裏。香斜荏苒明。時玩歲華。三日雨深春在水。一林煙濕暖生花。尋盟舊巷鈎。簾展開禁新。酷隔竹除。却憶去年歸漸近。半蓬殘雪上寒沙。盧疎齋集濟南張氏昆仲年踰九十。其孫養浩求詩。桂叢秋月照孫枝。華萼春風吹鬢絲。看取老萊堂上舞。不須重賦春令詩。紫陽文學吳掾顏燕室野舟自歎走書宣城丐予詩。兩暗中天傳說星。章即幽草澗邊生。無人說與雷州客。萬古春潮儘未平。紫陽何限舞雩春。底事扁舟託興新。試為扣舷歌此曲。晚風吹恨滿烟津。許魯齋集絕句。蘭鑰曾中本要安。親踈眼底更須看。若教此處無深秘。只恐當幾有至難。謾得。克已功夫未肯

未樂大典卷九百

九

加責人機見益增多。百年擾攘荆棘裏。存得初心有幾何。偶得。紛紛身事百千般。只要教君賭是看。此外更無容力處。枉將機巧自生難。偶成。屈指年華四十三。歸來憔悴百無堪。遠懷未得生前遂。俗事多因病後諳。百畝桑麻負城邑。一軒花竹對煙嵐。紛紛世態都休論。老作山家亦分甘。藍靜之藍山集絕句。風雨孤村似禁煙。束柴然桂未虛傳。良材巨木他山盡。樗櫟如今正值錢。山村面面網羅高。千里長空絕羽毛。猷羨簷頭飛燕子。不隨椒糞入君庖。移根岩壑帶風煙。千丈千霄野老傳。莫向長安城下種。王孫只擲賣花錢。龍檻先判鼎俎危。江湖休恨稻粱微。沙鷗寂是知機早。纔近漁舟又遠飛。顧世名梅山集詩債。詩債未能償得盡。白頭猶自倚吟肩。如何黑髮人先死。地下脩文幾少年。題吳僧開白雲註范石湖田園雜興詩。一卷田園雜興詩。世人傳誦已多時。其中字字有來處。不是夢來不得知。黃叔美詩送米詩者。俊士雄文決大科。滿家傳誦積來多。老夫得句誰相憶。月落空山獨嘯歌。陳深源片雲山人。蕭關題。道人何處攀高絕。松下斫枝如斫鐵。千崖萬壑無人行。獨自空湫踏寒雪。一瓢傾罷酒空時。掛在岩前老樹枝。却笑許由終未悟。夢田歷歷任風吹。偶書。金掌雲中竟若何。離離秋草夕陽多。錢塘門外長

江水今日淒涼似汴河。馬清泉需庵集偶題。小兒尾語尚可惡。世事多
端可若何。幸得一屋容膝坐。敢將月旦起橫戈。偶得 坐守潭如結夏
僧兒童相對可。伶生東還西去都無計。白髮新添四五莖。同想梨庵集讀
姚錄事送行詩。問問不識催科擾。狂猥無聲撼楚窠。萬戶春風有今日
鄉賢端的是知言。偶書 兩脚屐門實畏登。一人誤愛十人憎。何如堅
坐林間石。樵牧時時接話能。偶成 天意人情不兩岐。禍福善惡更何
疑。眼前事事須量力。身外悠悠枉費思。靜對詩書探道要。閒過朋友話心
期。百年憂患居多半。即恐光陰得幾時。連百正詩無題 學書學劍兩茫
然。空過浮生五十年。擬向煙波深處住。王租已及釣魚船。偶作 春風
躍馬看花時。肯信秋風鬢易衰。富貴百年皆長物。老來方悔讀書遲。少
年場屋苦奔波。每對書檠讀不多。三十年來書好讀。可憐老眼費摩挲。
偶題 來到深山處。士家山前山後響。綠車老夫不曉人。問事行過西園
看橘花。元明善清河集偶書 薄宦歸來心已降。兀然枯坐對書缸。寶刀
土食閑雕室。錦瑟塵生自繡窓。蓮艇斜陽風度水。石樓清夜月沉江。一尊
老我寬閑地。今日重盟白鳥雙。委世離羣已地靈。西山端合為人青。殘
春幾點正愁絕。落日半簾初酒醒。海闊有津迷遠道。天低無路怯餘齡。長

永樂大典卷九百

十

歌樓斷知誰解。風起楊花雪滿庭。郭昂集偶作 群犬安然本一家。偶因
扶骨便相牙。白頭野叟俱無問。醉眼留教看落花。詩海繪章評詩 詩情
巨萬年。今日是評看。古道歸唇舌。清風入肺肝。乾坤機軸動。神鬼骨毛攢。
雄跨相如室。高登杜甫壇。詞源傾渤海。智刃擊琅玕。裁翦文章易。根求造
化難。七言宜磊落。五字要攢完。龍虎生才力。風雷起筆端。門庭張雅樂。堂
奧奏清歡。價震雜林園。名傳狗監官。道長欺沈謝。功不下蕭韓。手底千靈
伏。肯頭萬象寬。莫投皮海笑。當出錦囊觀。晚水浮煙媚。春花帶雨寒。雲中
芳草闕。鳥外夕陽殘。思極心源竭。吟多病雪乾。不須邀駟馬。何用薦金鑿。
願頌皇王德。羅圖萬世安。劉氏稚子索詩。之子二三歲。天然骨目奇。
纔生松有操。未琢玉無瑕。見客羞騎竹。逢人喜念詩。方知慶門內。須出寧
馨兒。南京遇朝美文出詩。因次韻 浮雲久與故山違。茅棟如存尚可依。
行客相逢初似夢。舊遊重到復疑非。滄江萬里悔南渡。白髮幾人能北歸。
二十年前河上月。臨樽還共惜清輝。無題 大車駟馬不回首。強項老
翁來見尋。向人忠信去表襟。可喜政在無機心。輕談禍福邀重將。所在多
於竹葦林。翁言此輩無足聽。見葉知根論材性。飛騰九天沈九泉。自種自
收皆在行。先期出語駭傳聞。事至十九中。特病輪囷辭奇惜。老大成器本

永樂大典

卷九〇〇

可千萬乘自歎輕霜白髮新又去驚動都城人都城達官老於事嫌翁出
言不賦媚有手莫炙權門火有口莫辯荆山玉吳官大起燕楚葉當時下
和則兩足千里辭家却入門三春榮木會歸根我有江南黃茂舫與翁長
入白鷗群青學教授史子愚賢之惠詩一卷青丘多勝事一一屬君
詩遇物曾懷寫揮毫氣象隨溪山千古待風月幾人知別後珠璣在高
慰所思讀法芝上人詩卷道人信脚入鍾山却為林泉筆不閒杖得
明珠盈四百未知高價有誰還言詩裴說因慕曹名司精吟五年間
功夫貧費日年幾半拋山盡說將詩去皆云得句還春官正公道回首波
瀾瀾諸公奇題林子山南華詩舍人詩待送南華晚筆纔終宰相麻
吟處瑞煙生禁柳寫時紅日上宮花喜看鸞鶴翔天際敢望鵬鵬化海
子美右軍風格在閩州光耀幾千家讀學易先生劉斯立詩曩知學
易妙通經今喜能詩得我驚宇宙瞻山惟岱華朝朝編樂貴英莖曹劉聽
鼠終窮技郊島秋蠅便絕聲他日北山尋馬鬣一尊紅酒酌先生飲酒
賦詩題生風味誰能賤毛穎為章此最奇到處淋漓翻醉袖有時搜索
撚吟髭香浮玉螳人爭帶句比銅光世罕知文舉一尊邀座客翰林十幅
寫宮詞奉訓宣教携詩見訪句稽試吏本無長歛袂初焚拜闕香五

宋樂大典卷九百

士

斗可憐羞靖節二毛空歎老潘郎窮愁來來知何奈何奈何俗務紛紛爾許忙
有高人慰岑寂袖携詩句過茅堂絕句春光冉冉歸何處更向花前
把一盃盡日問花花不語為誰零落為誰開花落花開人世夢最榮閑
事且持盃春風若是輕搖落何似從來不要開三分光景二早過靈臺
一點不楷磨貧生逐日區區去喚不回頭爭奈何京師素號酒色海瀟
者常多濟者稀吾子堂前有慈母布衣須換錦衣歸麥龍風來翠浪浮
霏微小雨似深秋野亭終日捲簾坐清樾對啼黃栗留漫即無處覓歸
田江北江南水拍天斗檝十年塵土夢秋風吹上釣魚船載表元刺源集
瑞上人求詩寶葉山中源悟師布衲百結面如癡十年相憶忍在眼談
笑甚似仍耽詩源公作詩可憐生亦有設設山林聲見說丰姿委練素
霜頰黛頂照人明陳秀才問詩於余次韻贈之叔壹秋半說詩秋又
開竟從忘處更哦看不妨味熟心自悟祇恐業成身轉寒寂木野風天唱
和崩溪惟石鬼鐫刊板君更上最高頂莫羨千金游子鞍雲麓文集無題
世路多歧更嶮巖乘桴浮海欲何之從龍未遇攀鱗快跨虎先驚覆尾
危隔岸有山堪避世隨身無物可干時陸沉草野吾何憾蠟屈求伸護爾
為清道源順齋葉葉偶賦坎井荒蕪變態殊奔奔相逐更相呼應憐寒

永樂大典

卷九〇〇

吏懸衣結不似明憲看畫圖 讀近體詩有感 東塗西抹眩妖妍欲趁
 春風事少年安得謝家冰玉質不將脂粉汙天然 八十怡愉鵬髮親子
 能承順一家春班衣堂上歡顏舊華屋門前表額新 道國此時稱孝行清
 朝他日方忠臣我知是舉誠先務薄俗從今復變淳 與德衡第論詩書
 以贈之 松姿鶴相兩雕仙閱世都過七十年得意江山元有助放懷風
 月自無邊古今膏馥美從旬伯仲墳麓孰使然天與吾宗真樂在大家心
 會口難傳 賀秋谷公贈崇德應奉詩韻 趙子能詩雪滿簪知言秋谷
 最為深便教價重連城璧更覺聲如擲地金味向靜中時自得境逢佳處
 獨幽尋晴窻展讀興三歎不意還聞正始音 漫題 花下提壺勸酒桑
 間布穀催耕甚欲晴天行樂却因春雨關情丁復檜亭葉子昂寫薛能詩
 前年挂席水晶宮不見玉堂松雪翁今日把詩雙檜下北風寒思在隆
 中 偶題 一事不能方近古六經何用更知新 唐虞時世君臣會李杜
 文章宰相嗔 絕句 南日西流近若華倒光還映赤城霞 閑窻好客高
 相對爛熳黃金生酒花 江上東華仙府春青蛇旗狹翠車輪好風持地
 從西入吹落碧桃香趁人 好山故愛高鉤驪置閣不遺作窻低五色錦
 花杯影落斷雲含雨掛秋蛩 海氣上天扶燭龍茅君曉色動芙蓉樹間

永樂大典卷九百

好鳥清相語不著野人春睡濃 沙遠晴波淡漾金魚苗初上小如針將
 船載酒江頭飲水柳千株滿岸陰 自愛江頭著雨蓑山光倒染鴨頭波
 蠻商即似天上下打鼓向人帆側過 江離初長杜若新紫蕙紅蘭洲渚
 春楚天正遠欲有遺江上獨行逢故人 柳下杯盤野老過柳間歌吹水
 禽和綠波南浦傷心別黃犬東門柰爾何 楊柳風輕欲午涼藤蕪沙暖
 足春香水鄉父老茅堂酒不信王孫道路長 北闕青雲車馬多南山白
 石飯牛歌霜清水屋釀春酒雨足野田收晚禾 兩岸東風吹柳花小江
 新水帶春霞長林日出鳥自乳買酒上船人到家 茅屋雞聲接近隣短
 裳中閨莫歸頻江鄉禮俗淳風在煙樹深深數拜人 熟麥收空雲旂旆
 新秧蒔遍雨沉沉誰言卑賤閒無事老願太平渾有心僧盤谷遊山詩擬
 古 林茂衆鳥集鳥集木易摧水清孤月皎月皎波不頽飛鳥忽驚散步
 月空徘徊 古意 世情若暴流傷嗟易盈凋適與良景逢百念灰酬酢
 兀坐幽興長正味深淡泊朱顏日彫頽四時蛇赴壑月明無古今梅花自
 開落 白鳥歸青山幽然意自閑鳥飛忽不見山在浮雲間 絕句 春
 鳥巧調舌孰不生愛心兀臯有鳴鶴舉世無知音 折柳送行程交情見
 斷金長條無別用只要繫人心傳與孺集雜詩 皎皎素月明娟娟合令

姿浮雲遽起滅負景遂參差山川莽回互天地亦相疑焉知冥昧中明察
終不移弦望有恒運消光寧久虧寸隙塵所投片言害所虞行徒惡歎
馬道復惜其良榮辱俱自致未通亦靡常脩正未蒙福為邪欲何望天道
豈遠人撫心徒自傷温温匣中玉什襲慎自持荆和始見賞舉國競慕
之青蠅遽言集魚目亦相唾昔為人所寶今為人所疵保終諒庶幾逝者
已如斯白璧易為毀常懼世所損憂心日悄悄自好反成愆君子遠嫌
疑胡為偷自安始知丘山累乃在半辭間盜金信不疑攫塵或子淵故心
苟不易既往復何言天天園中桃鬱鬱松上枝春陽發新榮貞脆誰能
知一朝緜霜墜百卉各已萎青青乃自保不為時所移向非厄歲寒何以
別奇姿植蘭彌九畹種菊被三徑幽芳固殊姿馨德良可並拳蘭以為
美餐菊以資命賤言理蕪穢恒使枝葉淨蕪穢苦易侵枝葉苦不盛豈無
桃與李貴此諧野性窮巷有時人夙夜勤古道敝衣適至胥蔬食恒不飽
歌聲苦金石顏色終歲好豈無當世念所趨惡他巧美玉不足珍懷義以
為寶聞夜坐中庭素月流我懷鳴琴發玄思俗音難與諧微颺經前橫
餘響正飛回欲歌南風曲聽者良已希願言為清廟復感鳳來儀異人
言種石可以致雙璧千金受玄松辛苦乃有獲温其彼君子韞積良愛惜

永樂大典卷九百

十三

青蠅易為汙恒恐傷厥德連城不願售思以置君側終歲無與言持之將
安適古意人言道路遠直傍天涯去頭上忽見天近於江南路牽牛
一水隔織女經年會咫尺缺相聞何況于山外林清源集雜言太樸本
淳默結繩已多端書契起百偽千載不復還大道日已降支離競客言安
得萬喙寂俗厚如古先仍當廢簡牒置我六籍前禮樂設空器詩書無
全經仲尼已久矣沮溺不偶耕誰能咲庖羲今亦無負於我欲觀馬圖黃
河清未清東家陶苦窳適市日十千西家琢瑚璉待賈三十年材輕信
易售器重良自矜世事每如此古今無不然吾常觀四首亦復悲草木
秋風落人間萬卉不敢綠豈無岩穴英粲粲若松菊但得根本堅自然耐
幽獨雜詩高高九天雲深深九淵水龍行天淵回升降若尺咫沉潛
通高明神化有其理吾嘗靜觀之萬動振於址黃鶴飛高天飲啄同眾
鳥靈龜因沼沚神出萬物表鶴齡不如龜澹澹勝擾擾養生貴全神不必
蹈高渺人有一寸心萬物交攻之操待以不堅一日九轉移吾身不自
愛物欲安有涯存養寂無勞天理可自怡輪扁不讀書心與萬物忘屠悅
視楚國不如肆中羊正夫悟至理遂能輕侯王子雲空博古投閣何荒唐
人生苦經營役物無已時達士順所遇用舍俱坦夷所以百里子終身

五羊皮。為國而國治。飯牛而牛肥。媼母飾珠纈。西施被惡衣。姿質不可改。外掩安能欺。舉世棄中衷。汨汨事分肥。有目不可信。有心安能知。吾嘗登太行。杯勺視滄海。後來海上觀。太行一纖芥。人生信耳目。但見近者大。達士貴內觀。至理可融炭。義文不苟同。一語可斷金。利交信易合。對面江海深。所以子期死。伯牙焚其琴。知音不可得。况復能其心。蕭勃齋集。偶成。古鏡徹肝膽。媼母難為類。桂枝苦膠結。直士不可攀。小草有遠志。結根在深山。寄謝荷蓀翁。聊放斤斲閑。四月二十五日作。一熟經冬望眼穿。民生乃爾太奇偏。烈風雷雨鬧何事。不分來麩作有年。可齋為張東甫賦。治主往往迷知足。商可為心信善圖。祇有治心初不爾。直須聖處着工夫。五月十七日作。片段殘雲魚尾頰。夕陽持向竹間明。嗽漱盡歎甘霖少。得似尋常愛晚晴。讀李卿諸君詩用叔經君侯韻佳製。羨君取足不求餘。神宇安閑疾自除。道可濟時何必去。利如生怨祇宜疎。水能隨遇知行止。雲自無心計疾徐。人處乾坤最靈貴。一皆實跡豈空虛。二十四日得。四月已降何多蠅。驅去復來捷如鷹。撲緣眉目無可奈。浮沈粥藥還相仍。簇繁黨夥困病客。寧神靜慮無由能。安得霜風一快掃。九原瓠巴呼不應。周此山集信題。種稷屋東頭。種麻屋西趾。輕肥鄉

永樂大典卷九百

里兒。勉我植桃李。稗可療我飢。麻可緝我衣。雖無眼前榮。吾樂吾自知。已識浮雲似世情。歲寒老硯是心朋。平生不貸監河粟。自擬晉芹煮澗水。虎頭食肉渾無分。閑隱白雲幽桂叢。歲月催人空老大。江山遺恨教英雄。平生心事琴三疊。求路人情酒一中。拄頰西山成久坐。更無塵可汚西風。五言。大道昔凋喪。皇風日陵夷。簡冊飛秦灰。綱常復奚施。四海恣疴毒。民命懸一絲。所以賢達人。矯矯真鴻飛。或種青門瓜。或茹商山芝。是皆保明哲。安能復危機。我生亦何幸。仰際熙明時。文風何藹藹。治象何巍巍。空谷無悲駒。賁然已來思。朝陽有威鳳。亦復覽德輝。偶題。東風吹綠徧天涯。野路晴煙漾柳花。鶴髮老人茅店下。一尊相對話桑麻。宋本至治集作詩如蟬鳴。作詩如蟬鳴。強聒徒勞耳。不飽餐風腸。無關世憂喜。固將守靜嘿。天機不容已。丹山靈鳳音。聞者為興起。効顰或有意。引吭輒頽沈。身無五色毛。聲出千人指。絕句。劬劉義體。西北天無柱。東南地折軸。安得宿瘤心。生在西施腹。絕句。文明街上千株樹。盡是都人手。種成最好暮霞迎。馬首參差樓閣綠。分明。絕句。主。西。四。年。前。一。月。二十。九。日。賦。是。日。太。王。五。歲。也。已。集。樓。頭。紅。粉。哭。十。場。樓。下。倉。頭。酌。百。觴。却。惟。滿。城。春。相。杵。歌。聲。更。比。夜。來。長。顏。回。盜。拓。自。彭。陽。舉。世。無。人。問。

永樂大典

彼蒼爲國橫身終遇賊。千年同是靖恭坊。十年甲第合汙豬。又作元勳
上相居。玉碗金杯同一死。吞舟剛漏網中魚。彎弓射日是心期。植梓天
東若木枝。空盡朝堂亡國老。五龍行可灌咸池。不畏中天九廟神。倒懸
誰解萬方民。陳平未是安劉者。憑道真成女語人。薰風避暑借明光。絲
絡傳餐出上方。列第房帷半妃主。門闌部曲亦冰郎。刑部鞭笞困鳳鸞。
宣徽難肋厭尊拳。廟堂木偶韓忠獻。正笏垂紳只儼然。南城北城千官
謁。十日九日大燕開。六詔干戈非我事。四方水旱是天災。積金至斗不
然。儕一旦星辰動紫微。日午酒壚能盡倒。家家扶得醉人歸。道途相口
兩眉攢。帶劍垂紳漢百官。從此長宵背貼席。夜來鬼錄載曹瞞。明年多
稼滿。玉畿壯士耕耘婦子媿。更有餘波震動植。駕鶴春泥飽危茨。半載
無君四海忙。尚談功業叙旂常。墨書未下桓温死。孤負中朝一字王。五
年相業自多多。擢髮其如木了何。欲使文章少遺憾。南山增竹海增波。
雲臺勲業絕。郡倫就第封侯老。此身政事樞機付。墨閣向來光武愛。功臣
王沂伊濱集與劉志善談詩。風氣開時習俗移。文章十變亦如之。當時
不是毛韓輩。雅頌寂寂說向誰。陳景仁集偶作。蒲柳秋易彫。松栢冬常
茂。要見歲寒心。不勞而實秀。舒岳祥閩風集古意。客從南方來。遺我薰

永樂大典卷九百

十五

風琴薰風未。易致且奏易水吟。高浪忽起立四顧。變愁陰。征馬立踟躇。旁
人淚沾襟。壯士不憂死。怒髮豎森森。長揖辭四坐。秦關無阻深。燕客視秦
王。已若且甲禽。一朝事不成。易水有悲音。請君且勿彈。此曲傷人心。五
月二十八日四絕。烏獨沉啼意。螢低照去蹤。艱危吾輩老。寂寞此心同。
蜂影過窻急。雛聲出樹繁。經時不吐句。此日獨窺園。雨來元有路。風
過本無痕。小立清溪曲。歌眠白石根。院靜泉聲合。夜深蟲語多。近牕移
素榻。歌枕見星河。口號。敏求善釀能好客。喜與老潘相往還。今日敏
求泉下卧。老潘無酒客。蓋山。無題。墮馬烏雲懶。畫眉博山宿。火翠煙
微綠。窻不掃。香塵護暖日。青蟲化蝶飛。江山有恨非吾土。花鳥相逢故
惱翁。百歲唯餘二十五。一春強半又成空。宇宙千年更帝霸。春秋萬世
正乾坤。陰陽定位綱常立。於此推尋見本原。谿草鴨頭相間綠。山榴雉
頰一時紅。白鷗飛起無尋處。袞入梨花柳絮中。綠樹陰中春雨過。乳鴉
聲裏曉寒生。紙衾木枕清如水。暗想山城又殺更。清江似酒能迷客。綠
酒如江不醉人。似酒似江俱莫問。傷心最是艷陽春。尋花不問村遠近。
愛酒能論巷淺深。江上幾家官釀戶。如今南北忘追尋。竈戶炊杭香似
乳。山童切餅細如絲。黃鸝啣得春愁白。玉管吹成楊柳枝。白鷗滄海尋

永樂大典

卷九〇〇

盟主黃鳥喬林命友生。燕子不來人獨自。東風扶我趁花行。春風萬里
 虞姬草。夜月千村蜀帝花。已矣莫論如許事。菜畦黃蝶遠田家。杏花寒
 氣退三舍。柳絮春光減二分。簾外遊絲飛冉冉。窗間野馬走紛紛。欲問
 醉鄉過睡鄉。兩鄉相接兩相忘。海棠應是此。御物醉暈深如午。睡長。老
 鴈移也百萬回。黃埃極目噴沙飛。春風萬里梅花路。森森江南人未歸。
 清絕。道人清絕在中宵。清絕因何生寂寥。最愛讀書窗外雨。數聲殘剩
 過芭蕉。十二月初七日補綴舊詩寄正仲。歲闌思飲酒人老且捐書。
 春日將輝真陰風為掃除。花前看燈雙雪後。坐庵魚有約。君無負。堪根摘
 露蔬。初四日作。雀飲梅心雪。魚吞水面雲。山居差有味。世事不堪聞。
 野燒窮狸穴。晴霄轉鴈群。溪寒春未著。閑月壓餘分。三月之朔。邑庠請
 僕升講席。說詩泮水。正仲前韻以紀之。遂四次韻。春服初成。冠與重聚。
 觀王式一。衰翁圓冠方履。還吾道。續社鈞邊。見古風。投文猶待漢符赤。藏
 壁不隨秦火紅。寧可短衣充博士。莫令城旦屬司空。題滿少白詩。海
 颺既過天沈寒。瓦柴弄焰靜自搖。持山唸稟適在茶。讀罷不知山月高。早
 從唐體入圓文。更向派家事。掀簸盡囊六卷。要我刑子自得之。何必我燕
 騎紛紛塵暗天。必陵詩史在眼前。我才衰退空茫然。君能於此更着九唐

永樂大典卷九百

體派家俱可捐。促遠金洲集偶作。元亮真止酒。昭文不鼓琴。文章成小
 伎。道德負初心。故友凋零盡。中年感慨深。從來麋鹿性。只是愛山林。無
 題。粉圍香陣。盡梁塵。幾夢梨花漠漠雲。一夜春風忽吹醒。鏡中白髮不
 須耘。趙孟頫松雪齋集。襟詩。四時更代謝。物化常隨之。春華曾幾何。歲
 月忽如茲。嚴風動高林。百草俱已萎。人生况有役。憂患乃其宜。棄置勿復
 念。出入由化機。安得喬松術。邈與世相違。絕句。庭槐風靜午陰多。睡
 起西窓日影過。自笑老來無復夢。閒看行蟻上南柯。古墨輕磨滿几香。
 研池新浴照人光。北牕時有涼風至。閒寫黃庭一兩章。鏡屋扶疎竹樹
 清。飛燕雀共生成。貧家自笑無金彈。數樹枇杷總不生。草長前庭不
 用鋤。自然生意滿吾廬。何須直待生書帶。始信康成解著書。橘子花香
 滿四隣。綠陰如染靜無塵。幽齋獨坐鳥聲樂。萬慮不干心地春。自有天
 地有此溪。泓澄自折淨無泥。我家溪上無人到。只疑身在青玻璃。春寒
 側側掩重門。金鴨香殘火尚溫。燕子不來花又落。一庭風雨自黃昏。湘
 簾細織浪紋稀。白苧新裁暑氣微。庭院日長賓客退。滿池芳草燕交飛。
 蕭索山川樹影稀。龍雲時逐雁南飛。苦無綠酒酬佳節。猶有黃花媚夕暉。
 梅花半落雪飄零。揚柳青青江水生。一夜東風吹鴈過。江南江北總多

情川源一片綠交加。深樹冥冥不見花。風月有情無處著。初迴光景到
 桑麻。雲林齋後鳴禽散。祇有提壺繞屋簷。苦勸道人沽美酒。不應無意
 引陶潛。畫船南北水遙通。日暮幅巾篔簹竹中行。到月臺邊翠碧背人飛
 過子城東。午枕花前簾欲流。日催紅影上簾鉤。窺人鳥喚悠揚夢。隔水
 山供宛轉愁。任仕林集偶題。屠龍空已費千金。羞向東風理故琴。萬事
 總憑天對副。一身笑與俗浮沉。傍春栽菊菊團秋。晚帶雨移松。擬夏陰世運
 已然誰易汝。白雲蒼狗等無心。野泉出壑江湖意。山雨收雲天地心。我
 亦卷舒有奇事。千金不逐世情深。張仲舉蛇菴集雜詩。先人有夙訓。聞
 在幼壯時。豈意衰莫日。乃復親驗之。茫茫上天理。詎可私臆知。百年大化
 中。汨浪從推移。信彼杞憂者。徒為衆所嗤。叔子隣家兒。探環記前身。次
 律求師後。一悟了宿因。我亦清源洞。蛟骨岩下人。誤墮聲利區。駭馳喪其
 真。所以付樽酒。都忘賤與貧。惜無還丹術。高舉遺世塵。悠悠笙鶴期。曠望
 三山津。寒日迫懸車。寸陰老逾惜。晨趨理公務。莫逐親墳籍。寃往登孤
 憤。思來抱深傷。理愜復相忘。神叨聊一息。湛然擁襟坐。栩栩鼻端白。千齡
 與化終不朽。在方策。聖哲有明訓。學道庶有益。寒夜何晶晶。中庭積繁
 霜。天風下河漢。萬里不玉光。羽衣四三人。各乘白鳳皇。笙響發空際。游雲

未樂大典卷九百

十七

高駝翔。無緣執霞佩。擘結雙明璫。願托月中桂。終古有餘芳。龍阪何崎
 嶇。行人且復止。直上望秦川。遙憶鄉里。不離肝腸斷。悲歌不能已。一身
 已遐征。永念同室子。何殊轉蓬科。隨風四散起。雖得同根生。不得同根死。
 吾恐古今泪。多於隴頭水。春江採芳草。將以伸繾綣。初期拾翠洲。復道
 滋蘭畹。美人隔花深。歌竟瑤瑟偃。臨水不可見。忽恍心未穩。佳時難驟得。
 鷓鴣鳴已晚。祇有千古思。絲絲楚波遠。黎丘之丈人。歸路逢奇鬼。既為
 鬼所惑。又復鬼其子。夏南洧蜀梁。俯影明月裏。背走謂伏鬼。而又鬼諸已。
 此皆非鬼者。持以疑故死。憧憧姦佞徒。情狀真鬼爾。匿跡不自慙。胡為滿
 朝市。河淮厭兵禍。城邑多荒榛。百里無幾家。但見風起塵。燕雀歸巢樹。
 豺虎飢食人。鄉來脂膏地。死骨今如銀。汨亡使復業。牛種當及春。安得百
 龔召。錯落為拊循。征討尚未息。奈何爾遺民。陸厚幼壯。俚語可人期。不來
 未霜菊已開。湖山無改容。坐對青崔嵬。秋高景物奇。倒指重陽催。蟹香蟹
 螯肥。堪薦登高杯。兩山佳處多。在昔曾徘徊。雖今白髮生。此興那能灰。半
 擬瘦竹筇。日日相追陪。可人期不來。遠望越王臺。又和。可人期不來。
 懷抱何由開。東郭路遙遙。西湖山崔嵬。秋風又乏便。不得詩重催。多應了
 畫債。不為耽酒盃。勝遊真可樂。何事久徘徊。曼倩昔鏡舌。今知有劫灰。公

當東燭遊典衣願相陪。可人期不來。雲遮煉藥臺。勝仲禮東臺。集效題
乾坤古今一中庸。魚躍為飛。觸處逢。不假高明廢人事。黃冠聊隱郭林
宗。偶得滔天勢。屈元無事。烈地及寒。自有經。獨倚枯藤。一長嘯。亂雲
收盡萬峰青。學道無所得。年來萬慮降。病身便煖炕。衰目喜晴窗。獻課
生童幾。擊書稚子雙。人來問奇字。載酒渺春江。血氣雖衰志愈真。年來
溫故覺知新。又貧多謝鄉闈敬。漸老惟於道義親。日月優游三樂事。乾坤
俯仰一閒人。幾時卜築唐溪上。分得堯民五畝春。南遊寓興偶成。海天
春雨正靡靡。半逐東風半作泥。明日晴溪舟楫便。看花直過畫橋西。讀
葛遵祿氏馬易之詩。鳳味嚼梭織錦雲。世間組繡漫紛紛。馮諤致青
霄上。五色文章達聖君。中原星鳳集絕句。屋頭叢竹撼蒼煙。風卷飛花
到枕前。南寺有僧來問俗。打門驚覺午窗眠。高彥敬房山集偶得。春色
無多子。人生有底忙。青山雲葉白。綠野菜花黃。筍蕨期方并。溪橋愛古癡。
牀頭拈拄杖。易得辨行裝。貢泰父閩南集無題。隔樓理絲竹。切切動人
情。飲酒且莫散。坐待新月生。石抹良輔抱膝吟絕句。飲罷輒高歌。空齋
意如洗。世既無知音。徇俗聊爾耳。溪邊楊柳樹。故解逢迎桃李顏。何
厚春風無限情。衣錦舞紉臂。俊鷹輕舟客。與載花行。勝遊可是當年夢。

永樂大典卷九百

今向原頭學耦耕。當年八詠經行地。零落交游似曙星。為向金華仙子
道。幸民無復鬢青青。軒岐功德巍千古。餘教民猶病獲寧。自笑腐儒無
補世。窮途空自抱遺經。東陽來往兵中路。行色蕭蕭僅數程。歸到家山問
明月。流年暗度若為情。無言春思歸桃李。說與東皇未必知。莫道山人
為計左。敢將充隱果明時。謾題雪深鴈字斷。水合鯉書遲。江左梅花
發。透陽驛使稀。董嗣果英溪集擬古。海上采珠人。惟視夜光吐。携持以
為珍。美價重合浦。異哉足照乘。投劾獻明主。達物亦不實。棄之猶糞土。
河漢金氣老。海月光陸離。蟋蟀聞我床。聲聲有餘悲。美人天之涯。言旋杳
無期。西風吹脫葉。憊時傷所思。陳石泉送詩。走筆次韻。依劉殊之仲
宣才。方重相逢笑口開。惡况敗人佳思。盡寓公貽我好詩來。夜寒歸夢迷
松菊。仄冷塵蹤混草萊。別後莫裁馳戀意。寄梅須帶雪枝香。漫遊集偶成
雪添埋後齒。雲密纏山腰。自載一壺酒。微吟過斷橋。吟了唐詩看句
難。倚樓吹起五龍寒。夜來幾陣霜風惡。一樹梅花不忍看。擬古九首
猛虎衛其子。食盡熊牧兒。獵人瞰高岡。盡族取其皮。獸惡終惡斃。患生非
所擬。濯濯林中鹿。三驅猶放羣。佳人無古今。命薄同見忌。醜妻不自憐。
生憎妍者異。漢宮惑畫圖。楚殿寬掩鼻。悽涼照蛾眉。寧因素指唇。寒星

烟微燁偷兒見如月隣犬終夜鳴迴風響枯葉物情忤疑似世論感所聚
出門復入門陌上無古轍 獼猴山野姿謬傳可馴馬跳踉竊菽粟昨行
拈土直終憐性消潔觸穢輒嗔哆他日圖驂騑此物豈共馬 越未歲兩
稔地暖冬更毛野人營衣食日夕常勞勞僑客何所事顧瞻首一搔豈無
歸歎興江海不容舫 鴉栖投暝煙雀噪起晴曙鄉來歲寒心白髮今無
數道遙學引年淪落恐衰暮朝來梨栗兒頗解調佳句 登高望落日四
山煙霧生須臾暮色合天地皆沉冥少待衆星出隱映寒江明感歎下石
但村巷無人聲 日高尚酣眠紅光明戶牖家人恠起遲阿有疾痛否南
行海波長北上關塞阻我行將何之夢中遊太古 沽酒上山巔獨酌不
成醉遙呼山下人謂我狂不對但對樵牧兒訝我平生詩詩罷悲風起江
波動委蛇 述古 士生聞道義異彼農工商動惟禮自繩故以貧為常
春葩豈不妍冬栢寒蒼蒼獨行衆所嗤壯懷常慨慷阿衡有聖德鼎俎豈
干湯百里賢且智馬用五殺羊達人慎所託出處唯自強緬懷賦梅翁真
有鐵石腸當朝折佞俸毅然卿六郎斯人已云歿生氣凌千霜 題李木
魯公贈葉子肅詩後 風雷未起涯注龍題品曾經相馬翁從此不須人
識賞驪黃牝牡世方工 口號 霜月入窻窺夢破葑葑事已更裁詩明

永樂大典卷九百

九

朝觸處違人意不似三更枕上時 黃塵無日不馳驅冬暖號寒年拾飢
還有洞庭十樹橘先生何待北山移黃仲寶詩古意 憶昔君去時手種
桃李花花開令人喜花落令人嗟早知歸期阻胡不種桑麻米桑供蠶紗
一月絲上車麻熟得紡績兼旬白成紗製為裳與衣寄君滄海涯元山翁
詩讀東坡 簷雷滴殘夢自聽颯煩襟起讀眉山詩妙奇含幽深橫江蛟
鱗怒列陣戈矛森寒泉漱石瀨白日爛錦衾飛仙九霄上環珮時琳琳萬
里無定居一生多苦心遂令蠻獠耳得聞韶濩音回首叫閭閻衆喙駭且
瘡名高陸忠州氣壓李翰林如何素不收白髮空滿簪至今三百載義士
空歎欽我生恨不早遺編敢重尋長歌為按抑馬入薰風琴大雅集賴善
卿來詩 陳詩昔在周盛日刪詩已是衰周餘祖述孰能加四始研窮我
已後諸儒嗟子用意亦勤厚聽音知政非迂踈額排閭闔獻米錄坐變四
海如唐虞 無題 灤河開國世還溥職貢梯航罔不賓珠樹木難炎土
物紫駝黃鼠朔方珍雕題火老鍊金珥漆齒首王冠玉麟荒服年來朝覲
絕包茅責入竟何人 百年功業自天開化洽周南陋漢才朱鴈每從東
海獲白禽還自越裳來繡衣玉斧嚴丹陛袞冕桓圭列上台政典有餘我
備畧秋風滿地獨興哀長流天地間集讀文山詩 黑風夜撼天柱折萬

永樂大典

卷九〇〇

里乘塵九冥場。誰欲扶之兩腕絕。莫。泪。浪。浪。滿。襟。血。龍。庭。戈。鋌。耀。如。雪。孤
 臣生死早已决。網常萬古懸日月。百年身世輕一髮。苦寒尚握蘇武節。奎
 畫猶存呆卿舌。膝不可下頭可截。白日不照吾忠切。哀鴻上訴天欲裂。一
 編千載虹光發。書生倚劍歌激烈。萬壑松聲助幽咽。世間泪洒兒女別。大
 丈夫心一寸鐵。絕句 春光如佳人。紅紫為衣裳。脉脉甚無情。少年猶
 斷腸。王沂伊濱集題張仲舉贈蔡文鏡詩後 蔡也有仙骨。著名醫藥中。
 飢吟十日雨。客夢幾秋風。賴有酒堪飲。初無文送窮。好將青白眼。留著送
 飛鴻。賣藥韓康伯。能詩張景陽。世紛空落木。句法挾秋霜。杖屨飛煙下。
 聲名翰墨場。往來成二老。休負菊花黃。青燈同兩夜。貂帽共霜寒。冰思
 寧無惡。歸書但說安。瓊林勞遠夢。仙鶴養脩翰。聖代求才急。終期拭目觀。
 白石化群羊。仙家自有鄉。草玄甘寂寂。作賦問蒼蒼。江路梅堪折。山橋
 酒可嘗。雙溪今夜月。千里定相忘。人生逐群動。何路脫塵氛。鸚鵡新題
 賦。麒麟舊獻文。顏垣猶擁雪。惟石自生雲。鳴鳥將春信。殷勤報客聞。世
 態浮雲變。心源水鏡空。時時書咄咄。往往視夢夢。磊落千年上。汪洋萬折
 東。梅花知我意。的皜露椒紅。雜詩 寂歷珠花晚。盤紆小逕連。寒村明
 白水。野寺起青煙。三北非余取。一癡終自憐。歸期何日是。山月幾回圓。

永樂大典卷九百

千

歲晚難為客。地偏宜放慵。城鴉驚戍鼓。隣婦閉村春。木落山排闥。籬荒竹
 附庸。不材甘懶散。何去復何從。曲曲高都路。茫茫伊潁田。雲低明去鴈。
 野闊退飛鷗。故國思千里。若門隔九天。窮途莫回首。一望一悽然。古詩
 一以送先烈景充入渠。其二以謝張子文應舉。訪余伊上兼簡許中諸名
 勝。山童照伊白。日瘦埋雲黃。雍容車騎都。長卿薄遊梁。文綵麗宮錦。鄒
 枚歛其光。我飄山林半。三見天雨霜。公如左右手。易親復難忘。交深出苦
 語。慙於冬飲湯。夷門二三友。問我行與藏。長吟歸田賦。亂以凶山章。梅
 槎在江湖。行止非所期。誰云山澤間。見此鸞鳳姿。人生會面難。肯憚鞍馬
 疲。道迎長伊涓。枯榆媚寒曦。親友話存沒。學問訪闕遺。醉語雜朝甞。曾不
 我瑕疵。君憐我疎懶。我愛君坦夷。而能致斯人。孰謂余數奇。傾蓋即分襟。
 歸馬三振著。仰看孤雲飛。搔搔心南馳。山寒梅未破。何以寄相思。寒月
 侵山軒。朔吹鳴竹牖。夢中逢故人。談笑共杯酒。惟我趨塵埃。短褐幾露肘。
 相望晚天星。相思令人瘦。丈夫屬有念。虛名等箕斗。曾聞子公書。出此釣
 竿手。平生張平子。橋橋文章叟。懸知月旦評。應憶忘年友。寶鷄縣壁。見
 張雄飛。杜德常。二御史詩。嘉陵江水淨無泥。江上青山是寶鷄。古驛荒
 涼誰與語。故人詩向壁。閒題滄游集。見心禪師。過余武林寓舍。出示翰林

虞歐二先生詩文讀之嚮慕無已。因成口號四絕。江城春盡柳吹花。來
 問東園野老家。掃石焚香坐清晝。抄羅樹底論三車。青城學士老江南。
 架上楞伽每共談。來往况聞華蓋近。龍門深處結雲龕。白頭承旨蚤歸
 田。健筆凌雲動百篇。今日臨風數開卷。虹光千丈斗牛邊。漂轉東南厭
 亂離。錦囊驚見玉堂詩。相期只合匡山住。酒盞藍輿訪遠師。古詩 青
 山欲赴海。臨流輒躊躇。潮水不上灘。母乃畏崎嶇。勞生圖富貴。勇往寧趨
 赴。高深不可即。顧乃忘其軀。懸鴈仰飛鳥。重洲羨遊魚。寄語世上人。安分
 其勿踰。艾性夫利語雜言 蒼梧鬪子劍。阿闍無祥禽。魯叟已長喟。矧敢
 求之今。區區連勺人氣。伯方浸淫。紀年侈嘉瑞。作物誠何心。隱顯殆偶然。
 豈必聞韶音。黃河千丈渾。歲月亦已深。矯首不可俟。角里芝山陰。 躬華
 不並世。揖遜無餘傳。緬彼巢與津。佳兵豈其天。覆霜一何微。坤冰一何堅。
 誰謂和幾人。尚候觀伊川。斧衮了不公。正閏雜紀年。豈擬王仲淹。而愧魯
 仲連。燕趙多佳人。珠華銜天街。鄭魯有游女。折楊弄青梅。春風趁姿媚。
 諧笑爭徘徊。幽閨有貧醜。脩絮不自媒。縫布以為裙。斷荆以為釵。簪沙事
 機杼。蓬沓蒙煙埃。誰將好德心。為爾停漸臺。枯桐斲山骨。絃以冰蠶絲。
 信指發孤調。悠然造希夷。揚以寄吾歡。抑以寫吾悲。悲歡生我心。無庸他

永樂大典卷九百

人知。我若有黃金。不鑄鍾子期。寄語伯牙翁。絕絃良可嘆。 答禪子問詩
 法 汝家有子蘭。詩體能入選。爾后島可輩。往往以律變。選律固無擇。語
 意思庸淺。大音尚和平。至味貴悠遠。歸歎事斯語。妙理千萬變。歐稱九僧
 今不見。退之擬過紅樓院。 謝吳子與惠詩 解后西風野菊黃。別來丹
 丹歷三霜。未償詩債如山重。曾結文盟引夢長。老病終年親藥裹。清談何
 日到書囊。聞君讀罷多娛樂。萱草春深 萼芳 冬夜抄詩作 筆債窮
 年老髮僧硯。寒還復夜敲冰。西堂夢後無靈運。瘦府歸來有少陵。諸老文
 章凡幾變。千年風雅欠中興。矮窻燭暗成惆悵。忽見梅花月一稜。 經語
 詩戲劾唐子西 山徑之蹊去去賒。華門圭竇是誰家。其生色也草交翠。
 彼美人兮蓮正花。源泉混混出虛岩。桑者聞聞人已蠶。剪韭不妨千取
 百。擅瓜且喜二生三。 偶題 窻涵山影月初斜。門傍溪橋柳半遮。獨客
 不眠春起早。一簾香雪嗅梨花。風雅補遺古體二十四首 殘燈結成花。
 枯木化為菌。凋零如此物。秀氣終未盡。人心最靈智。自棄獨何忍。聖門本
 弘大。梯磴多接引。曾高愚魯姿。直欲配顏閔。流年急如箭。髮白難再顯。及
 時不努力。老大徒蠢蠢。 樹木生有枝。子弟教有時。七年異男女。八歲分
 尊卑。二五事書記。逢人多禮儀。三五學射御。四五加冠綬。今人設不省。古

道當如茲。欲成高高臺。為爾寬作基。欲求深深井。為爾遠為期。不聞那魯
學。還自姐豆嬉。人才日衰替。寧為卑下兒。兒童聚嬉戲。不離父母傍。父
母顧盼之。百憂為爾忘。維此慈愛心。比同春日光。陽和透地脉。草木俱芬
芳。兒身已長大。能不念往常。愉色與婉容。傾心奉高堂。嗟哉刀何短。父母
恩甚長。上堂拜父母。甘旨手自供。入廟羅豆籩。祀我祖與宗。死者鬼魄
安。生者恩意濃。一門無二志。誓效生春容。豈唯薰里閭。上聞天九重。祥雲
及霄露。滋我庭下松。孰云唐虞遠。不得身遭逢。由來豪傑士。世世皆時庸。
蕩蕩桑梓樹。遲遲杖屨音。未瞻父母容。已起恭敬心。樹木手所植。杖屨
身所任。此物猶足重。况彼鍾愛深。父愛我忘父。不問歌與禽。六親同骨肉。
何以能相親。莫打屋上烏。烏有返哺情。莫烹池中鴈。鴈行如弟兄。流觀
飛走倫。轉見天地情。人生處骨肉。胡不心和平。田家一聚散。草木為枯榮。
我願三春日。垂光照紫荆。同根且並蒂。蕩蕩共生成。妻賢揖夫禍。子孝
寬父心。不知何人語。相傳猶至今。室家兩和好。如鼓瑟與琴。二親豈不歡。
花木羅春陰。雖云一尊酒。共酌還共斟。物情動相失。安用儲千金。家賸在
婦聽。豕繫有遺音。內則紀孝養。檀弓著哀思。寒家三代英。於此猶見之。
我欲繪作圖。豈無丹青師。丹青狀形貌。情性那可為。冬夏適溫清。芳鮮在

永樂大典卷九百

盤區。二親未飲食。如子渴與飢。奈何報本心。限以百歲期。飛禽失其曹。尚
且鳴聲悲。創巨痛必深。衰麻交涕淚。聖王為制禮。進退隨天時。千人萬人
心。一人心可知。誰人夏侯氏。有女志獨高。夫家盡傷滅。節義終持操。榮
華昔共享。禍患今同遭。妾身偶生存。勢已埋黃蒿。親戚勿訝我。人類異羽
毛。引刀斷耳鼻。見義不見刀。至厚莫如地。桑田變波濤。精金不畏火。見此
兒女費。結交須結心。取士須取德。古交金百鍊。古士麟五色。如何當世
人。作事多傾側。甘言轉相媚。中險不可測。青青好禾稼。生此螟與蝥。堂堂
美少年。化為狐與蜮。人心天機在。利慾日夜深。好苗莫助長。惡木先除
根。斧斤一時緩。惡木何由斷。不畏根株深。須憂筋力短。吉人語何少。凶
人語何多。多言易反覆。簡默終無他。明明白圭玷。言玷不可磨。有口說該
天。有辯誇懸河。心源一已放。觸物生偏頗。悠悠百年內。榮辱當如何。離
離園中樹。花開動無數。或紅如施朱。或白如縈素。今日正自佳。明晨不如
故。易盛還易衰。浮華眼前度。物情何參差。天地均雨露。南山有松柏。壽如
金石固。驅車入東洛。策馬上西京。須遇何表表。莫非公與卿。旗旄出廣
路。百步無人行。前驅與後擁。不絕如雷聲。人生處困厄。孰不思寵榮。此途
良足樂。此任苦不輕。丈夫既許國。身作萬里城。永懷鼎足戒。無使公隸傾。

五方各異氣百物無全才。聲當配匏竹味即調。鹽梅何品不適用。有根
盡須培。山中多松柏。城中高第宅。蓋嘗千金裘。一狐難取白。田單拜齊
將。即墨乘孤危。群心効死關。燕士不敢支。一朝龍祿盛。惜身思有持。攻敵
竟不下。大冠空若箕。功名每如此。樹立終陵夷。國家匪憂虞。龍爾將何爲。
進懷首鼠計。退與裁禍期。向非魯連子。身死節亦虧。鸞鳳寡儔匹。玉樹
少枝柯。貴人在高位。骨肉苦無多。高居駕細馬。妙舞隨清歌。獨樂不如衆。
中心欲如何。東家借一軸。西家求一梭。織成十丈幕。周我堂之阿。至親隔
只尺。舉首如山河。人生四海內。同作弟兄看。一夫向隅泣。滿座爲無歡。
豈我無衣裳。念爾飢且寒。豈我無梁肉。爲爾不能餐。群生本一源。有此惻
隱端。無爲自泪沒。功利日相殘。譬如同母兒。給之豆與單。奪彼以與此。終
非心所安。飲馬長城窟。窟中水無多。秋風動百草。水面亦生波。長城備
外侮。室內起干戈。非關絕地脉。乃是傷人和。不見豐水上。靈臺罅差我。前
有大雅詩。後有秦民歌。鍾深得苦水。流毒如江河。黃河西北來。云自崑
崙丘。經行非一山。回薄半九州。上有不測源。下有無盡流。萬化同此機。莫
知幾春秋。分明天地心。不爲淺狹謀。癡人用小數。顛倒苦無休。安得申韓
氏。化爲古伊周。布帛文被體。菽粟味充飢。常人昧識察。舉世好珍奇。貪

未樂大典卷九百

奇不顧珪。刻玉當無卮。大鈞播萬彙。瑣細各有宜。得時易長養。失序徒施
為。哀哉揚朱泪。滴向他路歧。正途甚坦坦。捨此將何之。蜘蛛解布網。蝸
蟻能轉圓。萬物各有技。何人得安然。周公貴爲相。仲思夜不眠。仲尼大聖
人。易書三絕編。誰謂我有耳。不聞古所傳。一聞敢自惰。勇往如奔泉。好
龍非真龍。葉繪等兒戲。懼虎思虎傷。聲容凜然異。六經豈虛文。中有無盡
意。一從河出圖。光景不可闕。皎皎垂日星。悠悠在天地。青編積几閣。繡閣
何容易。曾參一唯諾。已往難再值。勸爾一杯酒。君行莫匆匆。君心自欲
速。道路久乃通。東能窺大壑。西能赴崆峒。不憂歲年晚。但畏筋力窮。三年
刻片楮。九年成一弓。制作雖云艱。爲藝則已工。小事可喻大。願君置宵中。
偶題 蚤脩隱居服。獨表外史冠。無用固應爾。豈唯能自寬。樹蔭曲延
坐。鳥語密相喧。墨卿悅性情。麴生知肺肝。求志一以遂。吹萬何足論。絕
句 一徑繞將泉。上過新鋪石。子待閒行。絕憐數箇琅玕子。偏向闌干缺
處生。蒼玉林中石。一株綠煙浮。動似香爐瀟瀟。灑廳下。裏陽拜。狂客來時
也。蒼扶。白足過橋。三峽雪。蒼頭吹笛。滿林風。狂花也有凌霄意。飛上松
顛爛熳紅。偶作 黃篔樓中枕書卧。雙鶴長鳴驚夢破。青天墮下白雲
來。捲簾一隊揚花過。汪復心遺姓。方維。自歎求詩。汪淪自愛桃花水。

永樂大典

卷九〇〇

張翰祇思蓴菜湖。九十山翁莫相惱。題詩元沒得工夫。張仲實詩雜詩
西州有美人。被服綺與紵。一朝失所託。短褐常不完。朝陽如有知。流光照
心肝。去貧豈無策。此道非所安。黃鵠橫天翔。萬里諒非遠。失勢鳴向人。
稻粱不滿眼。豈無高舉意。欲去羽毛短。雲飛不我顧。悵悵秋風晚。東風
吹衰芳。浩蕩川原春。游子莫不樂。我獨回車輪。常恐明月珠。翻受凡目嗔。
一時勢亦屈。萬世斯為伸。旭日耀清流。魴鯉游其涯。徘徊不忍去。滔滔
信如斯。青蘋一何多。鼓柁將采之。濯纓適我頤。洗耳真吾師。駢驅因盛
車。仰首時悲鳴。可以喻我懷。慇懃不得行。昔為空中雲。今作水上萍。最哉
乘高節。舍此焉求榮。美女處空山。容華若為比。馨香隨風發。蘭蕙為之
死。時當青春闌。沈憂波如水。聘者豈不多。所願配君子。雲興自東方。上
下何所之。終朝不成雨。悵望心依依。鷺鳥銜
六翻。翻為群雀欺。有懷不得展。生我將何為。

永樂大典卷之九百

永樂大典卷九百

十四

重錄總校官侍郎臣高拱

學士臣瞿景淳

分校官洗馬臣林煥

書寫生員臣曹嘉賓

圖點監生臣馬承志

臣尼三領